

Nyimbo Dza Vhatendi

www.difelatsasione.co.za

1.I a da yone Khosi;
Nga i tanganedzwe.
Ndi mune wa vhuhos
Nga a fhululedzwe.
Ndi Yesu a daho.
Hosiana nga i pfale;
Dakalo nga li dale;
Hu rendwe a daho.

2.Vhutungu vhu vhe kule;
Ni kha di lila' ni?
Luimbo kha lu hule;
Ni thumulela 'ni
Ni vho dalelwaho
Nga Khosi ya mulalo;
I disaho dakalo?
Hu rendwe a daho.

3.U dela u ri lwela,
Muvhango u do fa.
Vhutsinda vhu do fhela.
Ra vha malaifa.
Zwivhi,zwi vhavhaho,
Na mbilaelo dzothe.
O latekanya zwothe.
Hu rendwe a daho.

4.Na Inwi mu rendeni
Ni kha di hanaho.
Idani,mu luvheni,
Ni vhe vha vudaho.
U do ni tshidza-vho.
Ofhani mbiti yawe;
Hu rendwe a daho.

5.Ivha Mueni washu,
Ida U dalele
Mbilu na mita yashu,
Uri ri takale.
Ri vha U tuvhaho.
Ri divha vhuthu hau
Na phathutshedzo dzau.
Hu rendwe a daho.

6.Naho ra shaya zwashu

Ngeno,a zwi dini
Ri divha shudu lashu
La ngei.li sa sini.
Naho ri vha faho
Ri di vha vhathu vhawé.
Ri ya tshedzani tshawe.
Hu rendwe a daho

2

1. I a da ,Khosi yaa dzitshakha;
I da yo dzula kha mbongola;
I da u dalela rine.
Yerusalema,mu adzele
Nguvho ndilani na matari.
Nguvho ndilani na matari.
Ndi Khosi yau i daho.

2.U Khosi khulu ya vhuhwavho;
U dzhena U si na mafumo;
A U di nga zwi shushaho.
Maswine one o sinyuwa.
A hana lwe U tshi vhusa.
A zhino! Vho zwi kona 'fhi?

3.Muvhuso wau ndi wa hunwe
Naho zwe ralo,zwo fanel
Mahosi a tshi luvha-vho.
Dztshakha dzothe U dzi kunde
Nga fhungo lau la vhulenda;
Ndi lone di do vhusaho.

4.Sa zwila U tshi sema dumbu,
Wa laya lwanzhe lwo sinyuwa,
Zwivhumbwa zwe the zwe U pfa,
Na zwino ladza shango lothe
Hu fhele dzinndwa na phambano.
Ri fhe mulalo wavhudi.

5.Ysu wa vhuthu na vhuhwavho,
Ida ha rine vhatshinyali;
U vphonale U kha rine.
U di-vphonadze na kha a vho
Vha xelaho vha tshi U nyadza.
Na vhone U vha tshidze-vho.

6.U tshedza tshashu tsha vhutshilo.
Pandela swiswi na tshinyalo;
U anze vha U divhaho.
Dzikhosni na vhalanda vhothe
Vha luvhe iwe Mune wavho.

Mulalo wau nga-u-de.

3

1.Hosana! A daho,
Iwe Murwa wa Davida,
Khosi yo tuvhiwaho,
U takadzaho U tshi da!
Yesu ,ri dalele-vho
Na rine ri tshidze-vho !

2.Hosiana ! A daho !
U Muladzi,ladza shango;
Kha li vhe lo nakaho;
Hu fe dzinndwa na mivhang.
Vhothe,na vha sa U di'
Vha U luvhe zwavhudi.

3.Hosiana!A daho!
Khosi,dalela vhalanda.
Iwe U ri vhusaho
Nga vhulenda na nga maanda.
U ri tonde,U ri fhe
Fhongo lau,ri li pfe.

4.Hosiana!A daho!
U si lenge u vhonala,
Iwe U ri isaho
Kha vhutshilo na vhugala.
Yesu ri dalele-vho!
Na rine ri tshidze-vho!

4

Hosianna,goelobet sei,der da kommt.

1.Hosiana!Hu rendwe a daho!
Hosiana a daho,Hosiana a daho
Ndi wa u da e Khosi ya maanda,
Ndi Mutshidzi wa rine vhalanda,
Hosiana!Hosiana!
.,:Nga a de-vho kha rine:,:.

5

Tochter Zion,freue dich.

1.Vhananyana vha Tsioni na vuwaa!
Takuwani ni mu rende,vha Yerusalem.
Khosi yanu ngei yo da,Khos yavhudi,
Ya mulalo na ya vhuthu,ndi a ni tshidzaho.
Vhananyana vha Tsioni na vuwaa!

Takalani ni mu rende nga Hosiana.

2.Hosiana,Murwa-Davida nga' de
A ri tonde, a ri vhuse,a ri tshidze-vho.
Hosiana,nga a vhuse,a vhe na rine,
Zwino na nga misi yothe,ri tshile ri nae.
Hosiana,Murwa-Davida nga ' de,
Ene Mune wa vhuhosi vhu sa fheliho.

3.Khosи khulu,ri pfe ri tshi ri :ida!
Iwe Murwa wa Mudzimu,dzhena kha rine.
Ro U tuvha,ro U lila,Ri dalele-ha,
Ri U vhone wo da fhano kha vha U funaho.
Hosiana,ri pfe ri tshi ri:ida!
Ri tshi khoda iwe Khisi ya Yerusalem.

6

Mel:Valet will ich dir geben.

1. Ndi do U tenda nga 'ni?
Mutshidzi wavhudi!
U daho u ri thakha;
Ndi do U nea'na?
A thi na tsha u bvisa.
Tshine nda vha natsho
Ndi ndala na tshituvho
Na mbilu i swaho.

2.Ida,U mpfunze zwone
Zwi u takadzaho.
Ida,U mbonetshele,
Ndi kone zwavhudi
U kone zwavhudi
U divha vhuthu hau,
Na u U funa-vho,
Na u U tanganedza
U tshi da kha rine.

3. Yerusalema,vuwa,
U tonde a daho.
Na nne ndi do U khoda
Nga nyimbo dzavhudi.
Ndi do U takelela
Na vha U funaho.
Ri do U swielela
U tshi da ha rine.

4.Ndo vha ndo no tshinyala,
Ndi tshi vho nga mufu.
Wa vha a tshilolaholola,
Nda vha a tshilaho.
Wa ntanzwa zwivhi zwothe,

Wa fhedza mulandu
Wa nthakha nga zwi hulu,
Nga zwi sa fheliho.

5.Tsho U disaho fhano
Ndi tshone tshilidzi.
Wo da nga u' wa vhona
Lufu lu kha rine.
Wo pfa zwililo zwashu,
Wa ri lilela-vho.
Ndi yone khathutshelo,
Ndi yone khathutshelo,
Ndi tshone tshilidzi.

6.Ida ,U ri takadze,
Mbilu dzi fhumule.
O tshidzwaho nga iwe
U kha di lila 'ni?
Lufuno lwe ra vhona
Ndi lu sa fheliho;
Lu di ri rudza mbilu
Na kha zwi kondaho.

7.Vhuhali ha vha vengo
Vhu do ri ita 'ni?
Vho no di kundwa kale,
Vha do mu luvha-vho.
Hu tshi da Khosi khulu
A vha nga i koni.
Mune wa zwithu wothe
U do vhha vhusa-vho.

8.U do da a sengisa
Vha sa mu funiho,
U do da a pembedza
Vha imaho nae'.
Ida, Ida, ri tshidze,
Ida, ri oroswe.
Nga la mudalo wau
Ri la mudalo wau
Ri U imbele-vho.

1.Mu vuleleni dzikhoro;
Thudzani kule mafhoro,
Minango nga i a tame.
Mashuvho !Nga ri gwademe !
Ndi Khosi i ri vhusaho,
Mutshidzi a ri tshidzaho.
Nga a tanganedzwe !
A dzhene kha rine.

2.Mashudu ndi a vhenevho
Vha di mu tanganedzaho.
Ngauvha Yesu u ri fha
Dakalo.ri malaifa.
Mutshidzi nga phuluse !
Muladzi nga a fhumudze !
Mulalo a ri fhe;

3.Muu vuleleni dzikhoror;
Thudzani kule mafhoro.
Na mbilu ni dzi vule-vho
Hu dzhene a ri thakhaho.
Vha sakha,vho mu tuvhaho
Ndi vhone vha do wanaho
Muvhuya nga ethe
A dzhene kha rine.

8

1.Ipfi lo pfala masogani,
Ndi la muhuweledi,ro mu pfa,
A tshi ri:Hee rembuluwani,
Muvhuso wa Mudzimu u a da!
Li pfeni zwone,Yesu a daho,
U do da kha vha rembuluwaho.

2.Vhatendi hee rembuluwani,
Ni late,ndila dzo kombamaho.
Ngauvha Yesu ha konani
Na vha u pfana na zwo vhifhaho.
Swiswi na zwivhi nga zwi tutshelwe;
Ndila dza Yesu nga dzi tevhelwe.

3.Vhatendi,hee rembuluwani,
Swiswi la mbilu kha li tuwe-vho.
Vhoedelaho! fhutuwani,
Na vha ngaho vhafu vha vuwe-vho.
Na vho netaho kha vha takuwe,
Vhatendi vhothe,kha ri fhatuwe.

4.Vhatendi,ri tshi rembiuluwa,
Ri do vha vhathu vho takalaho.
Swiswi na zwivhi zwi tshi tuwa
Ndi hone ri tshi vha vha tshiloho
Ra vha vha Yesu,Khos i daho
U thakha vhothe vha i funaho.

5.U do da ri fhatutshedza
A tonda vhathu vha mu luvhaho
U funa vhanne vha di -sedza;
Vhavhuya u do wanwa e khavho'.

Li pfeni zwone:Yesu a daho,
U do da kha vha rembuluwaho.

9

1.Vhatendi,fhatuwani!
Mueni a daho
Naa bdi nnyi?Ndi munzani?
A ni dalelaho !
Hu pfi a swielelwe.
O bvaho ngei tadulu
Nga ngoho ndi muhulu.
U pfi a vulelwe.

2.Dzimbilu dzi vuleni;
Nga hu tanganedzwe
Hu takadzwe mueni;
Nga hu fhululedzwe.
Naa a si Yesu naa?
Nga'tou pfi:Mune washu,
Ida U twe ha hashu!
Nga 'tou pfi:Wa dzhennaa?

3.Nga'wane-ha ro swiela,
Ro bva zwo vhifhaho,
Ro lata,ro pandela
Zwi songo nakaho;
A wane hu si na
Zwitshene na dikhani,
Ho khwatha vhukonani,
Ho fhela vhuswina.

4.Naa a nga dzula hani,
Zwivhi zwo dzula-vho?
Ha dzheni dzitshikhani,
Vhuvhi u lwa naho.
Naa a nga dzhena naa
Kha vengo na u zwifha,
Na nyemulo dzo vhifha,
Ri songo tamba naa?

5.Tambani-ha ni thakhe
Mueni a daho.
Mbiluni nga hu nake
Na ngei mitani-vho.
A ri pfumise-vho
Nga phathutshedzo dzawe
Na nga zwivhuya zwawe;
A ri hanyise-vho.

6.Na nne U songo mphira,

Vhugala thi vhu di'.
Bvisa zwine zwa ntsira,
Zwi U takadzaho,
U dzhene,U si hume,
U dzule,nne ndi pfune,
Na ha nne wo da-vho.

10

1.U a da ! Vulani khoru na minango;
Murena ndi Khosi,nga' tanganedzwe,
U disa mulalo, u fhedza mivhango;
Nga vhuse,ri tshile,ri fhatutshedzwe.

2.U a da! Khothani ni loshe Muhali
Mutshidzi wa maanda a lamulaho.
Lufu o lu kunda,a lu nga ri hwali;
Vha Yesu ndi vhone vha lalamaho.

3.U a da! Vuwani ,o ni vhofholola,
O fhedza zwililo zwi tambudzaho;
Zwivhi o zwi hwala lata,ra fhola;
Ro tamba nga ene o ri felaho.

4.U da! Na inwi i dani ha ene
Ri pfane u mu pfa,ri si bve khae';
Ri tevhele ene,ri luge,ri dzhene
Hayani tadulu,ri tshile nae.'

11

1.Idani nga hunwi
Hee vhatendi vhothe.
Idani,idani-vho Bethlehem.
Vhonani nwana we a ri dalela.
Idani ri rabele;,:,:, Mutshidzi.

2.Idani nga hunwi,
Takalani nothe,
Ri imbe, ri rende-vho o daho.
Ndi Mune washu,Khosu ya tadulu.
Idani ri rabele ;,:,:, Mutshidzi.

3.Murena Mutshidzi
O da u ri tshidza,
A fana na rine zwisiwana.
Mu livhuheni nge a ri phulusa.
Idani ri rabele ;,:,:, Mutshidzi.

13

1.Hee! Dadzwane lo mela

Kha tsinde l' omaho!
Tshee vha li vhidzelela
Vhothe vho tuvhaho,
Vha ri: Khee li sa di?
Asizwi, li nga dzuvha,
Ndi lavhudi-vhudi.

2.Naa dadzwane na dzuvha
Zwi fanyisa mini?
Ndi Yesu we ra tuvha;
Ni tsha di toda 'ni?
Mudzimu nga ethe
Ndi nwana wa Maria.
Ni pfa zwi zwithu-de?

3.Yesu,U duvha lashu,
U tshedza tshavhudi.
Pandela khofhe dzashu!
Mutsho, wo daho
Vhathuni, wa vha muthu,
Yawee! ri tshidze-vho.

4.Khee U sa ri kokodzi?
Yesu,ri oroswe.
Govhani la matodzi
Ri bve,ri dzheniswe
Haya hu penyaho,
Hune ra do U renda
Na vho phuluswaho.

15

1.Vhonani muri wavhudi
Madenzhe na madzanga.
Ndi muri u fanyisaho
Mushudu-shudu o daho
:,,:Murena a tshi bebwa :,,:vhathuni.

2.Idani,ni di-funze-ha
U divha muri washu:
U amba Yesu o daho
Sa dadzwane lo nakaho
:,,:Lo melaho songani:,,:sogani.

3.Na hone no no divha-vho
Zwa muri wa vhutshilo.
Wo vha wo rolwa u siho,
Wo vhuyelela kha rine
:,,:Nga Yesu we a disa :,,:vhutshilo.

4.Dzimbone idzi dzavhudi
Dzi amba tshedza-tshedza

Ndi Yesu o ri bvisaho
Swiswini la vho xelaho.
:,,:Ri vha divhaho tshedza:,,:Tsha Yesu.

5Madzanga na zwo nakaho
Na zwone zwi a funza:
Ri vhana vho pfumiswaho
Nga Yesu a ri funaho.
:,,:Ndi ene we a ri fha:,,: mashudu.

6.Vhusiku uvhu havhudi
Ndi ha u bebwa hau.
Ri tenda iwe wo daho
U tshidza vha tshinyalaho.
:,,:Ri ite vhana vhau:,,:Ri vhau.

7.Ndi iwe wo ri thakhaho;
Na rine ri a funa
U U fha tshithu tshavhudi,
Ri U livhuhe zwavhudi
:,,:Ri U fha mbilu dzashu :,,:ndi dzau.

17

1.Imbani,takalani!
Idani-ha tendani!
Nwana wa dakalo
O ladzwa mukunwani.
Ndi ene duvha lashu,
Ndi tshedza tsha vhutshilo,
:,,:Yesu wavhudi:,:

2.Na nne-vho ndo U tuvha!
Ndi lila u U vhona.
U tshi nthudza mbilu
Nga tshilidzi na vhuthu.
U nyite nwana wau;
Ndi dzule ndi na iwe
:,,:Yesu wa vhudi:,:

3.Mudzimu,Khosi ashu,
Ti renda vhuthu hau.
Wo ri fha mutshidzi,
O daho a ri lwela.
Ro bva khomboni dzothe
Nga ene nwana wau
:,,:Yesu wavhudi :,:

4.Ri kha di do U renda
Ro swika ngei tadulu,

Ri tshi U imbelo
Na vhothe vhe wa tshidza,
Ri tshi do vhona Yesu
Ane ra mu tuvha,
.:Yesu wavhudi;,:

18.

1.Kha ri rende Yesu washu.
Kha hu pfale nyimbo dzashu.
Kuvhanganani vha hashu,
Ni livhuve na rine.

2.Hee vhonani, Yesu o da,
O ri lila,o ri toda.
Ndarieni yo khoda
Ene o ri tshidzaho.

3.O ri wana ri tshi xela;
Ri vha lufu,ri tshi fhela
A da a ri lamulela.
Naa o zwi i tela 'ni?

4.Tsho mu disaho shangoni
Ndi nge a ri:A zwi vhonwi;
Vha di-isa muliloni!
A ri bvisa heneffo.

5.A da a ri ita rothe
Vhana vha Mudzimu tshothe;
A ri pfumisa nga zwothe;
Zwithu zwe a da nazwo.

6.A ri tanzwa zwivhi zwashu
A fhumudza mbiliu dzashu.
A ri nea ifa lashu,
Shudu lisa fheliho.

7.Yesu,ri tshi U imbelo
Ri ri:ndi u takela
Zwothe zwe wa ri itela.
Na rine i tshidze-vho.

19

1.Ndo bva nga makoleni.
Ipfi langa li pfeni.
Ndo rumiwa u ni fha
Mafhungo a u difha.

2.Namusi no dalelwa,

No fhiwa,no bebelwa
Mutshidzi,u dangani;
O ladzwa mukungwani.

3.Ndi ene Yesu,o da
Ha inwi u ni toda.
Mudzimu o mu ruma,
Ene Murwa vhukuma.

4.Vhonani,ndi Murena,
O tutshela vhurena.
A tshi da vhunga muthu
Ndi tshilidzi na vhuthu.

5.O vhona ri tshi xela,
Ri tshi fa,ri tshi fhela;
A vha mulamuleli.
Ngoyu mupfumeleli.

6.O tshidza vha lufuni,
Na vha re matunguni;
Ra itwa vhathu vhave.
Vhana vha Khotsi awe.

7.Mudzimu wa tadulu,
Khee wo ri fha zwihiulu.
Ri vhona hu vhuhwe.
He wa ri thakha ngago.

8.Na iwe Yesu washu,
Si nyadze the ndo yashu.
Ri tshi U gwadamela,
Ri tshi U gwadamela,
Ri tshi U takalela.

9.Rob swika-vho tadulu
Na gogo lau fulu
Ri do U khoda rothe
Na vhe wa tshidza vhothe.

20

1.Yesu Mune washu,
Khosi i daho,
U M ueni washu;
Ri dalele-vho.

2.Fhatutshedza vhothe
Vha U funaho.
Ri puluse rothe,

U ri tshidze-vho.

3.Nne-vho U ndalele;
Ndi tshisiwana.
Ndi U takalele.
A si zwone-na?

21

1.Hee Yesu,wo da hani
U Khosi;zwo no vhonwa-na

2.Wo tutshela vhugala,
U Khosi yo di-tamaho

3.Wo bebwa hu vhusiku;
U khosi yashu henefho,

4.Wo ladzwa mukungwani
U khosi;ndi nga hangwa-na

5.Hee Yesu,nkhathutshele,
U Khosi yo ri funaho,

U tshi bva U tshedzani?
Vhuhosi ho fuka vhusiwana!

Wa da wo tukufhala.
Nga tsiku,wa tshidza vha lovhaho

Vhusiwana na tsiku!
Hune ra sendela ra losha-vho,

Wa kholomo dangani.
Wo ntshidza wo fuka vhusiwa!

Na nne-vho U ndalele.
Yo daho u tshidza vho xelaho.

23.

1.Vhakriste,kha hu rendiwe
Murena o daho
Mutshidzi kha a khodiwe,
,:O ri dalelaho,::

2.O da uri ri vulelwé
Munango wa vhudi:
Ri dzhene-vho,ri avhelwe
,:Mashudu avhudi:,:
:

3.O da a tshi nga tsiwana,
Ndi mutu o daho.
Murwa-Mudzimu ha tshe na
:,,:Zwo mu fanelaho:,:

4.Ha thuphwa ene,nne nda vha
Muthu o tshidzwaho.
O ri tondaho henehfa
:,,:Ndi o ri funaho:,:

5.Mu livhuheni zwavhudi,
Ni de ni dzhene-vho
Kha paradiso yavhudi
Nga o i vulaho.

24

1.Vhusiku hovhu ho da nwana
A tshidzaho ho xelaho;
Ndi wa M,aria musidzana,
Ndi ene o mu bebafo.
Vharunwa vha mu rendaho
Ndi vhanzhi,imbani navho.

2.Vhusiku hovhu ho vhonala
Lufuno lwo ri tondaho;
Murwa-Mudzimu a tshi dala
Ha rine ro tshinyalah
Ro vhonefshelwa zwavhudi
Nga tshedza tshwe tshavhudi.

3.Ro vho ro xela,ri vha zwivhi,
Vha lufu lu sa fheliho.
Yesu,ngavhe ri sa U divhi
Ndi misi ri tshee henehfo.
Ri tenda iwe wo daho,
U tshidzaho vho xelaho.

27

1.Naa Nwana uyu u mini
O ladzwa mukungwani?
Mukungwa u i vhudza ' ni?
Vhuthu,elekanyani,
Zwine nda vhona henehfa,
Ndi tshimangadzo ndi tshi pfa,
Mudzimu o vha muthu.

2.Ndi tshidzi tsho vulaho
Vothi la ngei tadulu.
Ndi vhuthu ho mu disaho
Na khathutshelo khulu.
Murwa-Mudzimu a tshi vha
Nwana wa muthu,ytsiwana,
Ho vha hu ri funa.

3.O mpfuna kale ndi sathu
U bebwa, nda vha hone.
O vha o nyita murathu
Uri na nne ndi kone
U vha nwana a funwaho
Mulaifa a tondwaho
Nga Khotsi wa tadulu.

4.O dzhena kha zwi kondaho
A tshi ri nne ndi pfume.
A tevhela vho xelaho
A tshi ri nga vha hume.
A di-kumedza a yo pfa
Mutungu othe,a mbo fa
Uri vhafu vha vuwe.

5.Ndi elekanya zwenezwi
Ndi tshi zwi takalela.
Ro tshidzwa ri kha maswiswi
A lufu,ri tshi xela.
Duvha lo ri tavhelaho,
Na tshedza tshi difhesaho
Ndi nwana mukungwani.

28

1.Hee Yesu,nwana wavhudi,
A no nga lwe thi mu di'.
Mufunwa,ngavhe U si de!
Hu tshe na dakalo-de.

2.U denzhe li vhone laho,
Luvhone lwa vho xelalaho
R i vhone! Rine vhalidzi
Ri dededzwe nga tshilidzi.

3.Thisimi tshi vho elaho
Kha soga lo omela!
Ri dzime dora henewe,

Na tshikha nga ri tanzwiwe.

4.Lupfumo lwo ri delaho,
E Khotsi o ri shelaho.
Sedza vhusiwana hanga,
Na nne mpfumise-vho zwanga .

30.

1.Vhathu,rendani,tendani Mudzimu wa vhuthu.
O di-vhuyedza a bebwa a fana na muthu.
Hu takalwe,
Mutshidzi nga, imbelwe,
Ngauri o da u tshidza.

2.Vhathu,vhonani Mudzimu o bebwa sa nwana,
Uri Mudzimu na vhathu vha kone u pfana.
Vho xelaho!
Ho da a ni tshidzaho.
O sa nga vhuthu ha Khotsi.

3.O da kha rine ngauri ro dzula zwivhini.
Ndi ene duvha lo tavhelaho vha swiswi.
Ni bonya 'ni?
Mutsho wo da,ni ri'ni?
Wo da u tshi bva tadulu.

4.O da shangoni we vhathu vha vha vho mu tuvha.
Dzitshakha dzothe,idani na inwi u luvha.
O swika-ha
Yesu, a no do ni fha
Shudu la dakalo lawe.

5.Vhurunwa vhanzhi vha renda Mudzimu muhulu,
Vha ri:Rendani Mudzimu wa ngeno tadulu,
A ladzaho
Shango lo thupheaho.
Dakalo li vhe kha vhathu.

31

1.Zwa Bethlehem zwothe
A zwo ngo naka naa!
Naa a ri imi rothe
Ra mu livhuha-ha,
U so ngo tsha tuwa!

2.Wo dela rine vhathu,
Ra pfa ro tondzwa-vho
Hu tshi pfi ri vharathu

Vhe wa vha funa-vho.
Yesu, Yesu,
U so ngo tsha tuwa!

3.U mbo tou di da tshothe;
Tenda ri dine,
Ra U takadza rothe,
Wo dzula na rine.
U so ngo tsha tuwa!

4.U dzule,ri mbo pfuma
Nga iwe wo daho
U khonani vhukuma,
Ra di U funa-vho,.
Yesu, Yesu,
U so ngo tsha tuwa!

5.Ndi hone duvha heli
Lo naka nga zwine
Zwa dzula zwi sa fheli,
Wa dzula na rine.
Yesu, Yesu,
U so ngo tsha tuwa.

32

1.Nwaha zwino u tshi fhela
Naa a ri tangani-vho
Ra livhuha ra rerela
Yesu o ri lindaho.
Misi yothe na minwedzi
Ho vha hu tondwa fhedzi;
Vhathu,nga zwi buliwe,
Yesu nga a tendiwe.

2.O ri nea zwithu zwothe;
Ro la ra tahela 'ni?
Vhuswa ho edana vhothe;
O ri fha a hangwa 'ni?
Naho kanzhi ro mu nyadza,
Ri songo tsha mu takadza,
Naa ha ngo di tonda naa?
Ha ngo di hangwela naa?

3.O di dovha a ri vhidza,
Ra mu wana henefha,
E Mulisa wa u tshidza,
Na Mulweli zwa vhifha;
Nwaha wa mbo fhela wothe
O ri lela misi yothe
Nga mafhungo-madifha

E na rine henehfa.

4.Na we a twa a tshi lila
E Kha zwi mu vhavhoho,
Nga a elekanye ndila
Yeneyo yo kondaho
Ye ya bva nga maswiswini;
Ndi he a mu pfa e tsini;
A ri :Zwo ndemelaho
Ndi dziphathutshedzo-vho.

5.Zwino nwaha u nga fhela;
Yesu washu ri nae'.
Na vhutshilo vhu a fhela,
Duvha lazwo li khae'.
U do di vha vhukhudelo
Ha mulovha na matshelo.
Ri na Ene,zwi daho
Zwi do di yo naka-vho.

33

1.Kha ri ye u rabela!
Kha ri ye u imbela
Murena,Mune washu.
Muvhavhaleli washu.

2.Ro fhedza nwaha wothe
Ro di londolwa rothe.
Vhonani.ri tshee hone,
Ro lindwa zwone-zwone.

3.Mutungu o ri wela,
Milingo yo ri dela.
Na nyofho dzo ri dzhena;
Ra lwelwa nga Murena.

4.O ita sa mme-ashu,
We e muleli washu
A di ri tshireledza,
A tshi ri kuvhatedza.

5.Ndi zwe a ita hothe
Na nga maduvha othe.
Ho tonda tshanda tshawe;
Ro vha ri vhana vhawé.

6.Murena,Mune washu,
U vhushavhelo hashu,
U dzivha la dakalo,

La maanda na mulalo.

7.Ri U livhuha riothe
Zwe wa ri ita zwothe.
Ri khoda maanda au,
Ri renda vhuthu hau.

8.Ri pfe, ri tshi humbela;
U di ri vhavhalela;
Ri vhuse,U ri lwele,
Ri linde,ri si xela.

9.U ri fhe vhuswa hashu;
Takadza mbilu dzashu;
Thivela dzinndwa dzothe,
Hu lale shango lothe.

10.Na kha mishumo yashu
Na kha dzindila dzashu
U thakhe vhana vhau
Nga phathutshedzo yau.

11.Vhahedana vha londe,
Zwisiwana zwi tonde.
Vhashai vha kovhele,
Vhatoma u vha lele.

12.U onge-vho vhalwadze,
Vhalili vha takadze,
Vho hwalaho vha rule;
Muthupho a vhe kule.

13.Vhaneti vha khwathise.
Vhaxeli vha humise.
Zwikhuliso zwothe
U zwi fhedzise tshothe.

14.Murena,U tshi ralo
Ri do vha na mulalo.
Ri do takala rothe
Nga nwaha muswa wothe.

15.Tshihulwane kha zwothe
Ri ri:Ri tshidze rothe;
Ri tshie phanda hau,
Ri fe ri vhana vhau.

16.Murna,hezwi zwothe
Ri zwi humbela rothe
Nge ra vha vhana vhau

Nga Yesu Murwa wau.

35

1. Yesu Kristo,Mune washu,
Ndi iwe Muhanysi washu,
Ndi iwe wo ri felaho,
Wo ri Iwela,wa ri tshidza
Wa ri tevhela,wa ri vhidza
Nga vhuthu vhu sa fheliho.
Nga vhuthu vhu sa fheliho.
Zwino ri dzhie-ha!
Ri funa ritshi vha
Vhathu vhau
Vha vhuswaho,
Vha rumwaho
Nga iwe,wo ri tshidzaho.

2. Yesu,U tshi di-todela
Vhakani vha u U shumela,
Na rine U ri rume-vho,
Mushumo wa khanoni yau
Na rine ri u kone-vho.
Mushumo wavhudi,
Dakalo lavhudi
La vhakani.
Ri nee-vho,
Ri pfise-vho
Mudifho,ri tshi kana-vho.

3. Yesu,Khosi ya dzitshakha,
Muvhuso wau u tshi naka
Ndi zwine ra zwi lila -vho
Swiswi li do tuwa lini?
Uri vha felaho zwivhini
Vha tshidzwe, vha U fune-vho
Hee Duvha! Wa tavhaa!
Muphulusi,ivha
Tshedza tshavho.
Na fhano-vho
Hu pfale-vho
Mudalo wa vho tshidzwaho.

List

1. I a da yone Khosi
2. I a da Khosi ya dzitshakha
3. Hosana! A daho
4. Hosana! Hu rendwe a daho!
5. Vhananyana vha Tsioni na vuwa!
6. Ndi do U tenda nga ni

7. Mu vuleleni dzikhoro
8. Ipflo pfala masogani
9. Vhatendi fhatuwani!
10. U a da! Vulani khoron minango
11. Idani nga hunwi
12. He vhana idani ni kuvhangane
13. Hee! Dadzwane lo mela
14. Vhadzia-vhutali vho da
15. Vhonani muri wavhudi
16. Hee vhana kha ri imbe
17. Imbani takalani!
18. Kha ri rende Yesu washu
19. Ndo bva nga makoleni
20. Yesu Mune washu
21. Hee Yesu wo da hani
22. Kha ri takalele
23. Vhakriste kha hu rendiwe
24. Vhusiku hovhu ho da nwana
25. Vhusiku ha u difha
26. Ndi do ya-vho na vhalisa
27. Naa Nwana uyu u mini
28. Hee Yesu nwana wavhudi
29. Tshifhiwa-fhiwa tshashu
30. Vhathu rendani tendani Mudzimu wa vhuthu
31. Zwa Bethlehem zwothe
32. Nwaha zwino u tshi fhela
33. Kha ri ye u rabela
34. Tsho ntswikisaho henefha
35. Yesu Kristo Mune washu
36. Murena u vha mu funaho
37. Mashangoni a kule
38. Shango la Venda fhatuwa ndi kale wo vhidzwa
39. Mushumo washu ri khawo
40. Rendani nothe
41. Ro pfa mubvumo wo daho
42. Sambi lau lithihi
43. Swiswi livhi lo tangaho
44. Tshimbilani-ha Vha hashu
45. Hee Muya wa dzithanzi vuwa
46. Hee ipfani-ha vha hashu
47. Duvha lo tsha! Fhatuwani
48. Yesu Khosi vhusa hothe
49. Hee idani vhana
50. Kristo Ngwana ya Mudzimu
51. Muvhambwa Mutshidzi washu
52. Hee Ngwana wo ri fela
53. Hee Ngwana U si na zwivhi
54. Naa vho U ita hani
55. Mutshidzi wanga ndo da-vho
56. Tshifhambano tshavhudi
57. Vhonani Muphulusi
58. Naa matungu a Murena washu

59. Yesu wa vhuthu Muhanyisi washu
60. Fhundo li ndifhelaho
61. Vhula vhusiku tsimuni
62. Wo ri funa zwingafha ni
63. Vhatendi gidimani-ha
64. Murena wa vhutshilo
65. Haleluya! O takuwa
67. Murena wa vhutshilo
68. Hee o vuwa! Lufu Iwo mu itani
69. Yesu o vuwa ! Ndi lone dakalo lihulu
70. Haleluya ! Takalani
71. Kha ri takalele Kha ri pembelele
72. Fulufhelo lavhudi
73. Mbilu yanga hee vuwa-ha
74. Na nne ndi khou zwi divha-vho
75. Murena ro U tenda
76. Khosi ndi Yesu Muhali wa maanda
77. Murena u a tuwa
78. Muhali washu o daho
79. Vhonani-ha khodani-ha
80. Ida Muya wa Murena
81. Hee Muya mukhethwa ida
82. Hee Muya wa Murena
83. Murena Yesu ri :Ida
84. Kha ri takaleele Kha ri pembelele
85. Muya wa Yesu vhusa mbilu dzashu
86. Haleluya! Hu rendiwe
87. Rendani tshilidzi
88. Mudzimu nga a rendiwe
89. Mudzimu washu ndi zwihulu
90. Vhakriste kha ri rende
91. Yesu washu ro da-ha
92. Murena nne ndi muthu wau
93. Mbilu yanga di-lugise
94. Na nne-vho kha ndi sendele
95. Nanga ya matungu othe
96. Murena ro U gwadamela
97. Yehova ndiiwe U pfaho
98. Lusa U Iwe kondelela
99. Hu pfi mbilu yo tambaho
100. Yesu ro da henefha
101. Kha ndi U nambatele
102. Vhuawelo ha Sabata
103. Anza Tshilidzi tshau
104. Fhundo la Yesu
105. Vhutshilo vhukuma hee Tshedza-tshedza
106. Nga maduvha ndi di vhala
107. Tshililelwu tshe wa bula
108. Yesu fhatutshedza-ha
109. Mudzimu ndi Yehova
110. Kristo ri lwele rine vhana vhau
111. Naho thavha dza wa

112. U thavha i sa kundwiho
113. Yesu wavhudi
114. Dzivha la dakalo
115. Hee fhungo li difhesaho
116. Khonani yanga yone-yone
117. Naledzi swiswini
118. Thama-thama ndi Murena
119. Yesu ndo u tulutshelwa
120. Yesu na nne-vho kha ndi U fhe-vho
121. Vha hashu ri vhudzeni-vho
122. Kristo U lupfumo lwashu
123. Murena wa vhuthu
124. Ndi di funa ndi di funa
125. Mutshidzi musi U tsini
126. Yesu ndi Iwe Mufunzi muhulu
127. Ndi renda o ri funaho
128. Lupfumo-pfumo ndi we
129. Yesu Imanuel
130. Yesu Murena
131. Yesu Murena Muphulusi washu
132. Hee imbelani
133. Hulisani Mune washu
134. Mudzimu Ramaanda Mutshidzi ndi Iwe
135. Khosi ya vhutolo Iwe Mune washu
136. Ni tendele kha ri tendele
137. Mune washu e etha
138. Hee mpheni ndimi dzi na dana
139. Idani-ha hu khodiwe
140. Hee muya wanga renda Murena
141. Renda Murena Ra-maanda
142. Vhatendi kha ri imbele
143. Yehova ndi a U imbelala
144. Imbelani ene Khosi khulu
145. Idani ri loshe
146. Yehova nga a rendiwe
147. Mudzimu maada au
148. Dziphathutshedzo dza Yehova
149. Khotsi fusha vhana vhau
150. Ndi renda maanda a sa fheli
151. Wo mpfuna zwingafha ni
152. Vhuhwavho hau ndi vhuhulu
153. Ndo khathutshelwa nga Murena
154. Yesu wa vhuthu U a mphulusa
155. Yesu nkokodze ndi sendele
156. Khotsi anga
157. Yesu mune wanga ndo da
161. Wa mbuelaa O ntiba maswiswi
162. Zwi no ri Shengedza
163. Mbilu yanga u si lile
164. Kondelela zwau
165. Mato anga nga lilale
166. Dzindla dzothe dzau

167. Mufulufheli wa Ramaanda
168. Yesu tonda-ha
169. Ndzi Yesu o zwi itaho
170. Murena mpfare tshanda
171. Vuwani ni a vhidzwa
172. Hee ntevheleni! u ralo
173. Mutshimbili o netaho
174. Ida ha Yesu
175. Vhuyela hayani
176. Idani ha Murena
177. Latani ndila khulu
178. Yesu wa vhuthu ndi muthu wau
179. Ipfi la Yesu ndi tshedza
180. Vuwa! Muya wanga vuwa
181. Ndi a U funa ndo U tuvha
182. Thi litshi Yesu wanga
183. Kha ri yeni Vha Murena
184. Ndi nnyi ndi nnyi a imaho
185. Hee Vhatendi vha Murena ni sa ofhiho
186. Ranga-ha ranga-ha
187. Hee mbilu yanga ipfa
188. Hee dzimbilu kha dzi pfane
189. Nne ndi lila
190. Ndo tuwa ndi ya haya
191. Mbilu yanga ponyoka
192. Arali ndi nae
193. Yesu nne o mbidza-vho
194. Kha zwothe zwi ntakadaho
195. Zwi difha hani ndi na Yesu
196. Hee Yesu Duvha lashu
197. Tshini ha Yesu washu
198. Nndu yavhudi i dzulaho ene
199. Hu difha u konana
200. Mulisa wavhudi wanga
201. Wa mashudu a sa fheli
202. U dzivha hu bvaho
203. Zwino hu tshee matsheloni
204. Mbilu yanga fhutuwa
205. Yesu kha fhatutshedze
206. Nga matsheloni li tshi
207. Mudzimu wa tadulu
208. Mune wa zwivhumbwa zwothe
209. Duvha tadulu
210. Yesu Tshedza-tshedza
211. Duvha lo kovhela
212. Lo lala shango lothe
213. Ndi vho ya u edela
214. Hee nwedzi wo vhonala
215. Ndi na khofhe ndi yo lala
216. Dzula na nne
217. Dakalono ha Murena
218. Kha ri yeni

- 219. Nne shango lo ndina ndi livhi
- 220. Ndo hulelwa u yo dzhena
- 221. Zwa ngei tadulu
- 222. Hayani ndi ngafhi
- 223. Vhutshilo he ra vha khaho
- 224. Vhutshilo hanga ndi we
- 225. Yesrusalema wo fhatiwaho
- 226. Tshifhinga tshanga tsha u tuwa
- 227. Khosi yashu ro hulelwa
- 228. Li do vha duvha la dakalo
- 229. Hu do da duvha la dakalo lashu
- 230. Ro pfa ipfi la dakalo
- 231. Hee duvha li ofhisaho
- 232. Murena washu a daho
- 233. A ne a kunda ndi a no do kelwa
- 234. Yerusalem Yerusalem
- 235. Vhuhwavho ha Murena Yesu Kristo
- 236. Khotsi fhututshedza
- 364. O Murena ndi tshe ndo akhamadzwa
- 365. Mudzimu avhe na inwi hafhu
- 001. Dzhogo li sa lemeli